



STINAPA TA INFORMA

E NASEMENTU DI BONEIRU

E historia geológiko di Boneiru, pues su nasementu a kuminsá komo 100 mion aña pasá. Mundu ta konsistí di tres lag; e sentro, e parti pafó i e kaska. Pa imaginá un tiki mas fásil tuma un webu di galiña. E sentro ta e dòl, e parti pafó ta e blank'i webu, anto e kaska ta e kask'i webu. E mundu, laman i tera, tur dos ta parti di e kaska. E ta duru i fleksibel, pero tòg delikado. Imaginá bo ku e kaska di e webu no ta un solo pida ku ta tapa i protehá e webu, pero tin hopi krak, anto e pidanan ta tapa otro parsialmente. E kaska i parti di e blank'i webu ta konsistí di 7 pida òf "plachi" grandi, anto komo 30 plachi mas chikí. Huntu nan ta tapa henter e superfisie di mundu i ta protehá e dòl ku e blanku di webu. Meskos ku tur otro organismo bibu, mundu ta move durante ku e ta krese. E proseso aki ta bai masha poko poko. Algun di e plachinan ta move pasa otro, kousando teremoto i, komo konsekuensia di e teremoto, tsunami tambe. Otro plachinan ta hala bai for di otro, pero tambe tin di nan ku ta dal den otro. Ora dos plachi dal den otro, esun mas diki i pisá ta gana. Pushando esun mas lihé abou. Resultado di e dalmentu aki ta ku parti di e interior di e blank'i webu ta bin afó. Meskos ku ta pasa ora bo hereb'é un webu di mas anto e blanku ta bin afó. Algun di e milagernan di mundu mas grandi ta kreá durante dalmentu di dos di e plachinan aki. Por ehèmpel serunan di Himalaya, Hawaii, i tambe nos dushi Boneiru. Bonaire, no manera Aruba i Kòrsou, a nase durante lokual geológonan ta yama "Proto Great Arc". E pida tera aki a forma ora e "Caribbean Plateau" (Plachi Karibense) a dal den Faralla i Alitalia. Boneiru ta e úniko yu di su mama, ku otro palabra e úniko isla ku a forma durante "Proto Great Arc". E isla aki, meskos ku su habitantenan di awendia, ta salí for di un meskla úniko i spesial. Esaki ta splika dikon asina tantu geólogo ku ta mundialmente rekonosé ta bishitá nos. Boneiru tin barankanan úniko i spesial. Nos mester preservá esakinan, nos herensia di mas bieú.

Skirbi pa Sarah Brandt, tradusi pa Marcel Nahr.

Pa mas informashon i reakshon: STINAPA, telefon 717 - 8444, info@stinapa.org

NOS TA BIBA DI NATURELSA



Traha huntu na un desaroyo duradero pa Boneiru